

Bosna i Hercegovina  
Federacija Bosne i  
Hercegovine  
Kanton Sarajevo  
Grad Sarajevo  
**OPĆINA CENTAR  
SARAJEVO**  
Općinski načelnik



Bosnia and Herzegovina  
Federation of Bosnia and  
Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и  
Херцеговине  
Кантон Сарајево  
Град Сарајево  
**ОПШТИНА ЦЕНТАР  
САРАЈЕВО**  
Општински начелник

Broj: 10/E-11-3376/26  
Sarajevo, ~~25-06-2026~~ godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana Rješenjem Općinskog načelnika, broj: 10-45-150/26 od 06.03.2026. godine i Rješenjem Općinskog načelnika o imenovanju zamjenika predsjedavajućeg Komisije za nabavku roba, usluga i radova II, broj: 10-45-150-1/26 od 25.03.2026. godine, (u daljem tekstu: Komisija II), u postupku javne nabavke: Nabavka i ugradnja parking sistema, putem otvorenog postupka (Zapisnik o pregledu i ocjeni ponuda broj: 10/E-11-3376/26 od 18.06.2026. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda prvorangiranog ponuđača „**ARGON SISTEMI**“ d.o.o. Sarajevo, ulica Braće Mulića broj 13, 71000 Sarajevo, broj ponude: PND-120626-001 od 12.06.2026. godine, za nabavku i ugradnju parking sistema, putem otvorenog postupka, po cijeni od **81.049,26 KM bez PDV-a**, odnosno u ukupnom iznosu od **94.827,63 KM sa PDV-om i rokom isporuke i ugradnje od 30 (trideset) kalendarskih dana**.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke i ugradnje parking sistema, pokrenut je Odlukom Općinskog načelnika o pokretanju postupka javne nabavke, putem otvorenog postupka, broj: 10/E-11-3376/26 od 12.05.2026. godine. Predmet nabavke nije podijeljen je na LOT-ove.

Ukupna procijenjena vrijednost javne nabavke iznosi 98.000,00 KM bez PDV-a.

Obavještenje o nabavci: 848-1-1-94-3-132/26 od 22.05.2026. godine, objavljeno je na Portalu javnih nabavki ([www.ejn.gov.ba](http://www.ejn.gov.ba)).

U krajnjem roku za predaju ponuda određen tenderskom dokumentacijom (16.06.2026. godine do 11:00 sati), na adresu Ugovornog organa primljene su 3 (tri) ponude ponuđača: 1.

„ARGON SISTEMI“ d.o.o. Sarajevo, 2. „ProcessControl“ d.o.o. Sarajevo i 3. „Infotech Studio“ d.o.o. Niš, Srbija. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda. Nakon što je utvrđena blagovremenost i urednost dostave, pročitane su cijene ponuda i rokovi isporuke i ugradnje, kako slijedi:

R/b	Ponuđač	Ukupno bez PDV-a (KM)	Popust KM/%	Ukupno sa popustom bez PDV-a (KM)	Ukupno sa popustom i PDV-om (KM)	Rok isporuke i ugradnje (kalendarski dani)
1.	„ARGON SISTEMI“ d.o.o. Sarajevo	81.049,35	/	81.049,35	94.827,74	30 (trideset) dana
2.	„ProcessControl“ d.o.o. Sarajevo	129.618,00	32.404,50 (25%)	97.213,50	113.739,80	60 (šezdeset) dana
3.	„Infotech Studio“ d.o.o. Niš	87.905,00	/	87.905,00	102.848,85	60 (šezdeset) dana

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Prilikom pregleda i ocjene ponude ponuđača „ProcessControl“ d.o.o. Sarajevo, Komisija II je utvrdila da ponuđač nije u potpunosti popunio Obrazac za cijenu ponude (Aneks 2). Naime, za stavku I/3 **„Ulazni terminal“** ponuđač je upisao jediničnu cijenu, dok je u polje predviđeno za „Ukupnu cijenu bez PDV-a“ za navedenu stavku upisao „0,00“, te posljedično taj iznos nije ukalkulisan u ukupan zbir ponude.

U skladu sa članom 68. stav (4) pod g) Zakona o javnim nabavkama BiH, te preuzetim stavovima iz prakse Ureda za razmatranje žalbi BiH, nepopunjavanje svih zahtijevanih stavki u Obrascu za cijenu ponude ne može se smatrati računskom greškom, niti ugovorni organ ima zakonsko ovlaštenje da samostalno unosi i dopunjava elemente cijene koji nedostaju. Obrazac za cijenu ponude mora biti popunjen u potpunosti u skladu sa zahtjevima iz tenderske dokumentacije.

Tačkama 6.1.6. i 6.1.7. tenderske dokumentacije za nabavku i ugradnju parking sistema, evid. br. 10/E-11-3376/26, popisano je sljedeće:

„6.1.6. Ponuda mora sadržavati Obrazac za cijenu ponude, popunjen u skladu sa shemom koja je data u **Aneksu 2.** tenderske dokumentacije.

Napomena: Ponuđači su dužni u cijelosti popuniti sve stavke u kolonama iz Obrasca za cijenu ponude. Djelimično popunjeni obrasci za cijenu ponude neće biti prihvaćeni.

6.1.7. Ukupna cijena izražena je u konvertibilnim markama (KM) i navodi se u Obrascu za cijenu ponude (Aneks 2) koji je sastavni dio tenderske dokumentacije.

(Sve rubrike moraju biti popunjene, a sve jedinične cijene, kao i ukupna cijena trebaju biti zaokružene na dvije decimale).“

Pored navedenog formalnog nedostatka, Komisija II je izvršila analizu finansijskog aspekta ponude. Čak i u hipotetičkom slučaju da se ovaj nedostatak mogao posmatrati kao računska greška, te da se u ukupan iznos ukalkulisala jedinična cijena za stavku I/3 „Ulazni terminal“ u iznosu od 12.650,00 KM, konačna cijena ove ponude iznosila bi 109.863,50 KM bez PDV-a.

Navedeni iznos znatno premašuje procijenjenu vrijednost predmetne javne nabavke, koja iznosi 98.000,00 KM bez PDV-a, te bi se ponuda s takvom cijenom smatrala neprihvatljivom u smislu člana 2. stav (1) tačka I) alineja 2) Zakona o javnim nabavkama.

S obzirom na navedeno, ponuda ponuđača „ProcessControl“ d.o.o. Sarajevo se ocjenjuje kao nepravilna i neprihvatljiva, te se na osnovu člana 68. stav (4) tačka i) Zakona o javnim nabavkama odbacuje.

Za preostale dvije ponude Komisija II jednoglasno je konstatovala da ispunjavaju formalno-pravne i tehničke uslove, odnosno da ispunjavaju sve uslove iz tenderske dokumentacije i

zahtjeve Ugovornog organa za predmetnu nabavku, i da su prihvatljive u smislu Zakona o javnim nabavkama.

Komisija II je izvršila i detaljnu računsku provjeru pristiglih ponuda u postupku javne nabavke: Nabavka i ugradnja parking sistema.

Tom prilikom ustanovljeno je da u ponudi ponuđača „ARGON SISTEMI“ d.o.o. Sarajevo, u Obrascu za cijenu ponude (Aneks 2), u rubrici „Ukupno bez PDV-a (KM)“, na stranicama 8, 10 i 11 ponude, postoje računске greške koje je bilo potrebno ispraviti, i to u sljedećim stavkama:

- Stavka I/1 – Parking rampa: umjesto 8.287,23 KM treba stajati 8.287,24 KM;
- Stavka I/2 – Indukciona petlja: umjesto 908,23 KM treba stajati 908,24 KM;
- Stavka I/11 – Nadstrešnica: umjesto 4.128,33 KM treba stajati 4.128,32 KM;
- Stavka I/14 – Nadzorna kamera: umjesto 1.238,50 KM treba stajati 1.238,52 KM;
- Stavka I/16 – Stub za nadzornu kameru: umjesto 1.330,24 KM treba stajati 1.300,26 KM;
- Stavka I/17 – Mrežno i strujno kabliranje: umjesto 1.070,31 KM treba stajati 1.070,00 KM;
- Stavka I/18 – PHD cijevi: umjesto 993,86 KM treba stajati 994,00 KM;
- Stavka I/19 – Media konverter: umjesto 2.064,16 KM treba stajati 2.064,18.

U drugoj tabeli, Obrasca za cijenu ponude (Aneks 2), na stranici 11 ponude, u kojoj je ponuđač upisao ukupnu cijenu ponude, ustanovljeno je da postoje računске greške u sljedećim stavkama koje je bilo potrebno ispraviti:

- UKUPNO bez PDV-a: umjesto 81.049,35 KM treba stajati 81.049,26 KM;
- UKUPNO sa popustom bez PDV-a: umjesto 81.049,35 KM treba stajati 81.049,26 KM;
- PDV 17%: umjesto 13.778,39 KM treba stajati 13.778,37 KM;
- UKUPNO sa popustom i PDV-om: umjesto 94.827,74 KM treba stajati 94.827,63 KM;
- Slovima: umjesto devedesetčetiri hiljade osam stotina dvadeset sedam i 74/100 KM treba stajati devedeset četiri hiljade osam stotina dvadeset sedam i 63/100 KM.

U Obrascu za cijenu ponude (Aneks 1), na stranici 6. ponude ustanovljene su sljedeće računске greške koje je bilo potrebno ispraviti:

- 3. Cijena naše ponude (bez PDV-a) - umjesto 81.049,35 KM treba stajati 81.049,26 KM;
- Cijena naše ponude, sa uključenim popustom je - umjesto 81.049,35 KM treba stajati 81.049,26 KM;
- PDV na cijenu ponude (sa uračunatim popustom) - umjesto 13.778,39 KM treba stajati 13.778,37 KM;
- Ukupna cijena za ugovor (sa popustom i PDV-om) je - umjesto 94.827,74 KM treba stajati 94.827,63 KM;
- Slovima: - umjesto devedesetčetiri hiljade osam stotina dvadeset sedam i 74/100 KM treba stajati devedeset četiri hiljade osam stotina dvadeset sedam i 63/100 KM.

Ispravka računskih grešaka odnosila se i na nacrt Ugovora o nabavci, isporuci i ugradnji parking sistema na području Općine Centar Sarajevo, koji je parafiran i potpisan ponuđač dostavio u ponudi (Aneks 8).

S tim u vezi, Komisija II je dopisom broj: 10/E-11-3376/26 od 17.06.2026. godine od ponuđača „ARGON SISTEMI“ d.o.o. Sarajevo tražila da se pismeno izjasni o tome da li prihvata ispravku računskih grešaka u dostavljenoj ponudi, u skladu s detaljnim obrazloženjem.

Ponuđač „ARGON SISTEMI“ d.o.o. Sarajevo je dana 17.06.2026. godine putem e-maila dostavio pisani akt, broj: INT-1/170626 od 17.06.2026. godine, u predmetu označen kao „Izjašnjenje o računskim greškama u ponudi“, kojim:

- prihvata izvršene ispravke računskih grešaka;
- potvrđuje da se navedene ispravke odnose i na nacrt Ugovora o nabavci, isporuci i ugradnji parking sistema na području Općine Centar Sarajevo;
- potvrđuje da nakon izvršene ispravke računskih grešaka ukupna cijena ponude iznosi:
  - Ukupno bez PDV-a: 81.049,26 KM
  - PDV 17%: 13.778,37 KM

- Ukupno sa PDV-om: 94.827,63 KM

Na osnovu dostavljenog izjašnjenja, Komisija II je konstatovala da ponuda ponuđača „ARGON SISTEMI“ d.o.o. Sarajevo, nakon prihvatanja računskih grešaka, iznosi:

- Ukupno bez PDV-a: 81.049,26 KM
- PDV 17%: 13.778,37 KM
- Ukupno sa PDV-om: 94.827,63 KM

Za ponudu ponuđača „Infotech Studio“ d.o.o. Niš Komisija II je konstatovala da je računski ispravna te da je ukupna cijena ponude sa PDV-om pravilno obračunata.

U daljem toku postupka Komisija II je izvršila poređenje, vrednovanje i ocjenu dostavljenih prihvatljivih ponuda prema kriteriju za dodjelu ugovora, shodno Zakonu o javnim nabavkama, a prema proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača kao sastavnom dijelu tenderske dokumentacije.

Primjenom utvrđenih potkriterija: 1. Cijena (95%) i 2. Rok isporuke i ugradnje (5%), i vrednovanjem elemenata iz dostavljenih ponuda, u okviru kriterija „ekonomski najpovoljnija ponuda“, shodno članu 64. stav (1) tačka a) Zakona o javnim nabavkama, Komisija II je izvršila ocjenu i bodovanje dostavljenih ponuda kako slijedi:

R/b	Ponuđač	KRITERIJ ZA BODOVANJE „ekonomski najpovoljnija ponuda“		
		POTKRITERIJ Cijena 95% (bez PDV-a)	POTKRITERIJ Isporuke i ugradnje 5% (kalendarski dani)	UKUPNO
1.	„ARGON SISTEMI“ d.o.o. Sarajevo	$81.049,26/81.049,26 \times 95 = 95$	$30/30 \times 5 = 5$	100
2.	„Infotech Studio“ d.o.o. Niš	$81.049,26/87.905,00 \times 95 = 87,59$	$30/60 \times 5 = 2,5$	90,09

Nakon izvršenog vrednovanja ponuda prema kriteriju za dodjelu ugovora „ekonomski najpovoljnija ponuda“, sa potkriterijima: 1. Cijena (95%) i 2. Rok isporuke i ugradnje (5%), utvrđena je sljedeća rang-lista ponuđača:

Rang	Ponuđač	Broj bodova	Ukupno bez PDV-a (KM)	Rok isporuke i ugradnje (kalendarski dani)
1.	„ARGON SISTEMI“ d.o.o. Sarajevo	100	81.049,26	30 (trideset) dana
2.	„Infotech Studio“ d.o.o. Niš	90,09	87.905,00	60 (šezdeset) dana

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

### PREPORUKA O PRIHVATANJU PONUDE

Prvorangiranog ponuđača „**ARGON SISTEMI**“ d.o.o. Sarajevo, ulica Braće Mulića broj 13, 71000 Sarajevo, broj ponude: PND-120626-001 od 12.06.2026. godine, putem otvorenog postupka, po cijeni od 81.049,26 KM bez PDV-a, odnosno u ukupnom iznosu od 94.827,63 KM sa PDV-om i rokom isporuke i ugradnje od 30 (trideset) kalendarskih dana, kao najpovoljnije za nabavku i ugradnju parking sistema.

Sa izabranim ponuđačem će se zaključiti ugovor, kojim će se regulisati međusobna prava i obaveze ugovornih strana.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda  
broj: 10/E-11-3376/26 od 18.06.2026. godine



Dostaviti:

1. Ponuđaču: „ARGON SISTEMI“ d.o.o. Sarajevo, ulica Braće Mulića broj 13, 71000 Sarajevo
2. Ponuđaču: „ProcessControl“ d.o.o. Sarajevo ulica Topal Osman Paše broj 18A, 71000 Sarajevo
3. Ponuđaču: „Infotech Studio“ d.o.o. Niš ulica Dr. Petra Vučinića broj 16, Niš, Srbija
4. Službi za komunalne poslove i investicije
5. Kabinetu općinskog načelnika – Odsjek za javne nabavke
6. Službi za finansije
7. U spis